



Dato: 11. april 2016
Kontor: Nordatlantenheden
Sagsbeh: Sabine Heestermans
Svendsen
Sagsnr.: 2016-490-0034
Dok.: 1918491

EQIKKAANEQ

**Suliassanut Kalaallit Nunaannut tunngassutilinnut naalagaaffimmi
oqartussanit suliarineqartunut suliarineqarsimasunulluunniit
paasitinneqarsinnaatitaaneq pillugit inatsisip
atuutilersinneqarnissaanut kunngip peqqussutissaanut missingiut**

Ulloq 1. januar 2014 paasitinneqarsinnaatitaaneq pillugu inatsit atuuttoq (inatsit nr. 606 12. juni 2013-imeersoq) Danmarkimi atuutileroq. Inatsimmi § 43 malillugu inatsit suliassanut Savalimmunut Kalaallit Nunaannullu tunngasunut atuutinngilaq, kunngilli peqqussutaatigut suliassanut taamaattunut, naalagaaffimmi oqartussanit suliarineqartunut suliarineqarsimasunulluunniit, atuutilersinneqarsinnaalluni.

Kunngip peqqussutissaanut missingiutikkut matumuuna siunnersuutigineqarpoq paasitinneqarsinnaatitaaneq pillugu inatsit suliassanut Kalaallit Nunaannut tunngassutilinnut atuutilersinneqassasoq.

Siunnersuutigineqarpoq suliassat tamakku eqqarsaatigalugit inatsit atuutilersinneqassasoq annikitsuinnarnik allanngortillugu. Tamatumunnga minnerunngitsumik pissutaavoq inatsit Kalaallit Nunaannut atuutilersinneqassanngimmat, taamaallaalli suliassanik Kalaallit Nunaannut tunngassutilinnik naalagaaffimmi oqartussat suliariinninnerannut atuutilersinneqassalluni.

Tamatumunnga atatillugu tunngavigineqarpoq – taaguutip ”naalagaaffimmi oqartussat” atorneqarnera apeqquaatinnagu – matumani pineqartunut atatillugu naalagaaffimmi oqartussat kisimik pineqanngimmata, kisiannili pisortani oqartussat, kommunini nunallu immikkoortuini oqartussat aamma ilanngullugit, kiisalu suliffeqarfitt

Slotsholmsgade 10
1216 København K.

Telefon 7226 8400
Telefax 3393 3510

www.justitsministeriet.dk
jm@jm.dk

imminut pigisut, paasitinneqarsinnaatitaaneq pillugu inatsimmi § 3, imm. 1, nr. 1-imi 2-milu taaneqartut, pineqarmata.

Paasitinneqarsinnaatitaanermut inatsimmut sanilliullugu kunngip peqqussutissaanut missingiutip minnerunngitsumik assigiinngissutigivaa, peqqussut suliffeqarfinnut il.il. paasitinneqarsinnaatitaaneq pillugu inatsimmi § 3, imm. 1, nr. 3-mi, § 3, imm. 2-mi aamma §§-ini 4-mi 5-imilu taaneqartunut atuutissanngimmat. Tamatumunnga pissutaavoq suliffeqarfitt il.il. taaneqartut naalagaaffimmii oqartussanut ilaanngimmata, taamaattumillu, inatsimmi § 43 naapertorlugu, taakkununnga paasitinneqarsinnaatitaaneq pillugu inatsisip atuutilersinneqarnissaanut inatsisitigut tunngavissaqarani.

Tamatuma malitsigisaanik taamatuttaaq kunngip peqqussutissaanut missingiummi aalajangersarneqarpoq allaffissornikkut peqqussutit paasitinneqarsinnaatitaaneq pillugu inatsimmi §§-it 4 aamma 5, oqaatigineqareersutut suliffeqarfinnut il.il. naalagaaffimmii oqartussanut ilaanngitsunut inatsisip atuutsinneqarneranut tunngasut, tunngavigalugit aalajangersarneqartut, suliassanut Kalaallit Nunaannut tunngassutilinnut atuutsinneqassanngitsut.

Pissusissaatut oqaatigineqassaaq paasitinneqarsinnaatitaaneq pillugu inatsisip atuutilerfissaa Kalaallit Nunaanni oqartussanut atuutissanngimmat. Oqartussat taakku eqqarsaatigalugit malittarisassat Kalaallit Nunaanni akuerineqarsimasut atuutissapput.